

中國藏學漢文歷史文獻集成

張其成 主編

中國西藏及
甘青川滇藏區
方志彙編

中華書局出版

鄧平舟
PDG

中國藏學漢文歷史文獻集成

張羽新 主編

中國西藏及 甘青川滇藏區 方志彙編

第三十六冊

學苑出版社

PDG

圖書在版編目(CIP)數據

中國西藏及甘青川滇藏區方志彙編/張羽新主編.
北京:學苑出版社,2003.9
(中國藏學漢文歷史文獻集成)
ISBN 7-5077-1862-X

I. 中… II. 張… III. 藏族-民族聚居區-地方志-彙編-中國 IV. K29

中國版本圖書館 CIP 數據核字(2002)第 078995 號

ISBN 7-5077-1862-X



9 787507 718621 >

書 名:中國西藏及甘青川滇藏區方志彙編(全 54 冊)
作 者:張羽新 主編
總 策 劃:孟 白
責任編輯:洪文雄
出版發行:學苑出版社 E-mail:xueyuan@public.bta.net.cn
印刷裝訂:北京大興韓營古籍印刷廠
開 本:850×1168 16 開本
字 數:9900 萬字
版 次:2003 年 9 月北京第 1 版
印 次:2003 年 9 月北京第 1 次印刷
印 數:1—120 套
定 價:25800.00 元

第三十六册目录

玉樹調查記

碾伯所志

貴德縣志稿

貴德縣志

平番奏議

湟中雜記

附：青海事宜節略

青海衙門紀略

1-90

91-109

11-119


181-246

247-


247-





命五十四枝水門牌（行號）
 東的正確號碼或收入多少由式
 命或此式多少於理也此式可以成
 不為時時有可事也







俗名上曰松木口圖一作松
 泉例宜應增無可入中可為松
 會或松母字於圖內此亦以耳然
 不審松字亦可著也



置位之海青在樹玉







影攝之婦夫婚新古結



一之影攝舞歌旦元童番



二之影攝舞歌旦元童番






三之影攝神賽僧寺古結



果給之將上水古結





目錄

序	序
自序	
例言	
玉樹二十五族簡明圖	
玉樹在青海之位置圖	
玉樹調查記卷上	
部落	
山脈	
水道	
地形	
政治	

玉樹調查記卷下	
宗教	
風俗	
實業	
掌故	
考證	
寧海紀行序	
寧海紀行	
附錄一 番例六十八條	
附錄二 查勘玉樹界務報告	
附錄三 西寧豐黎社倉記	
附錄四 馬騏：甘肅青海護軍使署總務處長周君子揚墓志	

序

八

大中華民國八年八月八日，傳甲編印《京師地理志》成，隴西學者，會商分纂《甘肅省志》，得識王子天柱，並讀周子希武《玉樹調查記》。憶去年在西湖編《浙江志》，遇青海屯墾使蒯壽樞，抵掌西北，縱論五年前建議改行省，及江源、河源之形勢，方擬句當東南事了，經營西北。今讀周子書，益知玉樹天產、地質、人情，如身歷其境，誠大中華《青海地理志》之藍本也。王子徵序，不敢率應。伏念先祖劍秋公，從戎仕蜀，兩宰鹽源，所屬土司，莫不畏之如神明，誰在絕賄賂耳！先君子麗生公，於役雅州以西，窮探險阻，不幸六歲失怙，不克繩武繼志為憾。先妣林下老人，將門之女，有文武才，嘗與河西女土司嶺李氏，馳馬於峻阪，發強弩以殲熊鹿，番族驚嘆。傳甲因母教成立，兒時即守祖父所遺《一統志》，視為吾家第一宗財產。今與王子夜談，猶披康乾舊圖，覓玉樹四土司所在，先君子之手澤，猶丹黃雜於圖眉。傳甲兒時，因先妣以瑤池阿姆屬對，即以玉樹土司應之，時八比俗儒，茫然不知所謂也。今世界進化，然中國人不知中國事者極多，本省、本縣之人，且不注重本省、本縣之地理，何能責之萬里以外之邊徼乎！傳甲講學湖南，即崎嶇苗疆瑤峒，教以同化，列之膠庠，服官廣西，佐治藩幕，即建議收土州土縣，改設流官，昔設彈壓員者，今已正名縣知事矣，北度龍江，以提學勸業之力，墾蒙荒而設治，凡索倫、鄂倫春，亦立專校。蓋酋長政體，過於專制，封建世襲，無異君王。茲當共和進化之時，傳甲筆端，遂大有掃滅土縣蒙旗之勢而不自知也。玉樹土司，決不能永久保存，中華開青海省，則必為玉樹道，中壩、格吉，皆他日之縣也。我不經營之，人必經營之！英圖西藏，以青海為勢力範圍。南北當軸，果有良心上之覺悟乎！請三復周子之書，共圖拓殖之計乎！

閩侯林傳甲序於京師雙藤花館

序

玉樹二十五族，故屬甘肅。有清時，由青海辦事大臣主管。民國初元，川達誤為甌脫，置吏兵焉。番族以屬甘久，又因川軍供給，不樂屬川。兩省有異議，而人告中央之文，名稱互歧，政府未察而兩從之，乃益糾結不可解。三年春，廣建持節至隴，以甘人周觀察使務學，樸實耐勞，苦習兵事，特請於中央，令赴海南，與川省官吏，會勘界務，得諾，以周君希武，明習邊事，令偕行。至玉樹經年，通情宣德，捐爭解紛，慰勞疾苦，推詢問背，咨究故實，番民遮道膜拜，籲訴願仍隸甘。廣建達其情，於是玉樹仍為甘省轄境，甘與青通郵而合一。周君希武，並以其間，著《玉樹調查記》二卷，《海南旅行記》一卷，於番族分合，山川形勢，叙次明確。廣建嘗觀有清一代，碩儒踵出，其著書論析西北地理者甚衆，然於青海則已略至海南，玉樹二十五族，私家記載，更

闕然無之。蓋荒落僻遠，學人足迹罕至；至者又率不學，不能抉摘稽比，以供當代士夫之考證，滋足憾也！今周君以淹雅之才，躬歷絕徼，周諏周度，備述聞見，翔實精核，無單詞只字，向壁虛造，其用心可不謂勤乎！

夫青海為吾國神皋奧區，亘古未辟之陸海，規國者誕之；而王樹者乃其西南菁華所萃，土腴而產富，其可欲殆又甚焉。自西藏跋扈，川邊雲擾，而王樹形勢已孤，剥床及膚，藩籬洞撤。涓涓不塞，將成江河。廣建以奉命裁青海長官，而全青直屬甘肅，融合版圖，無他機關歧出梗阻，因請設某邊寧海鎮守使，積極規畫，來增戍兵，創臺站，置理事員，已次第粗舉，又請設青海甘邊屯墾使，冀專事墾辟，以漸收移民實邊，教農固圉之效，然格於勢而不得行者，十尚八九。刈榛辟途，謀尺而進寸，非徒苦於財絀兵單，亦以通曉邊事之才不多，唱者嘵嘵而和者希世。茲之印布此書，既以揚聞周君苦心，尤欲警起國內閱達俾共注意於邊事云爾。

中華民國八年春，合肥張廣建撰

自序

青海南部有囊謙等土司二十餘族，皆番也。《衛藏通志》謂之阿里克等四十族。其族數今昔參差之故。具見「考證」篇。其間唯玉樹四土司本蒙古部族，游牧通天河上流，番人謂之達木。其地當西寧人藏孔道，常代表海南各土司，支辦供億，故西寧案牘，率呼海南各土司為玉樹等二十五族。及其久也，則沒去等字，徑呼為玉樹二十五族，遂以專名為公名，正猶隴省之名甘肅耳。元之甘肅省，止有河西諸州路及寧夏額濟納等地，自洮、河、蘭、會以東，皆隸陝西，而省治又在甘州，故曰甘肅等處行中書省，其名本正。明廢甘肅省，並於陝西，清初因之。雍正分省時，大勢以隴山為界，乃沿用元人甘肅之名，此當事者之不學也。而川邊附近囊謙，目為隆慶二十五族。隆慶者，囊謙之轉音也。近年，經略川邊者，謂二十五族為化外之民，脅令投誠，且置戍焉，已得命於中央矣。而番民久隸西寧，不樂屬川，屢訴於甘，而甘省所據以入告之文，猶然玉樹二十五族也。隴蜀共爭一地，而稱名互歧，紛紛爭執，逾年莫決，中央乃飭兩省派員會勘。時合肥張勳伯上將初督甘肅，以邊關道尹忠武軍統領周務學，樸實耐苦，文武兼資，請特派為查勘界務大員，謂希武頗究心邊事，委充隨員，洮陽牛君載坤，故習測繪學，遂邀與俱行。以民國三年八月，由蘭首途至西寧，取道海南小路，逾大積石山，絕河源，渡昆侖，即巴顏哈拉山，昆侖中干也。涉金沙江，朝犯瘴癘，暮逐水草，徑無人之地千餘里，艱苦備嘗，以十一月晦抵給古。即蓋古多。牛君復冲寒冒險，遍歷各族，測繪地圖，希武則訪問長老，參考圖志，真象既明，疑誤冰釋。周特派員乃具條兩省誤會之由，及番情向背之機，隴蜀控制之宜，由張勳伯上將轉達中央。逾年三月，奉令玉樹二十五族，准仍歸甘肅西寧管理，川兵退出境外，凡駐結九閱月，界務歲事。希武公牘餘暇，輒最錄所聞，並參以牛君調查所得，久之盈卷，以類排比，稍加刪潤，命曰《玉樹調查記》，沿用訛名，取便稱謂也。乃為序曰：《禹貢》「析支昆侖」，說者以為析支在河首，昆侖在今新疆和闐南，而雍州黑水，清儒謂即潞江，番人所謂哈喇烏蘇者是也。揚雄《雍州牧箴》「黑水、西河，橫截昆侖，邪指閭闔，畫為雍垠。」今玉樹二十五族在昆侖之東，黑水之北，河源之南，其為《禹貢》雍州封略所及，可斷言矣。殷周盛時，「自彼氏羌，莫不來享來王」。三代以降，帝王德衰，不能及遠，於是漢有西羌之禍，唐有吐蕃之患，而禹迹故壤，遂以敵國異域視之矣。唐太宗至以宗室女為公主，下嫁吐蕃，其首迎之河源，即今娘磋北境是也。元起朔漠，囊

括亞洲，二十五族，夷為奴隸。明逐蒙古，而青海餘孽，猶役屬玉樹。清初始脫奴籍，羈縻勿絕。及其衰也，蒞盟委員，視為利藪，誅求椎剝，番不勝困，而勢已積弱，卒亦無敢有抗顏行者。始吐蕃盛時，北陷河隴，南沒松維，以唐之強，而不能遏其狂犬，及佛教大行於吐蕃，人種日減，殺心漸弭，而獷悍忍驚之風，亦稍稍衰矣。故以趙宋之文羸，而吐蕃不能大為邊患，明之季年，套虜跳梁海西，不聞海南有煽動之事；清之中葉，南番剽掠河共，不聞西番有響應之謀，期非佛力去殺之明效歟！然天下之患，每伏於大利之中，彼唯不能為吾患，則亦不能禁制遠夷，而為吾效保塞之助。王船山謂近夷衰弱，適足為崛起遠夷之資，其今日吐蕃之謂乎！童駭無識，被人傀儡，終且俛虎教猱，狃糠及米，況二十五族與彼壤地毗連，又同種同教哉！玉樹不保，勢將北擁蒙古，禍必中於湟中，東煽果洛〔洛〕，患且及於洮岷，吾甘來日，其盱食乎！今國家縱不能急切圖藏，豈可坐令玉樹為之資耶？顧主樹鄙遠艱食，宿兵實難，內地轉餉，寧能持久？計唯亟經營附近西寧蒙番，逐漸拓殖，以及玉樹。而經略之基，須寧海特別區域實行後，以湟中之全力萃於青海，始克有濟。蓋自海濱以至河首，荒原亂岫，豐草大泊，目極千里，往往無人，唯剛咱〔察〕、果洛〔洛〕諸野番，時出沒其間，自非三月聚糧，盛列卒徒，莫敢前往者。倘兵屯既列，亭障相聯，道路無虞。來往玉樹者漸多，然後以兵保商，以商興屯，以屯足食，而瘠陲可化為沃壤。玉樹之植基既固，即可聯絡川達，以為制藏之計。今歐戰方酣，不暇東顧，吾國人欲經略海藏，此誠千載一時之機會。失之不圖，後必噬臍。而世之君子，方且競爭權利於中區蹄涔之水，坐視百餘萬方里之陸海榛莽際天，以待他族之開辟！此希武與牛君所為讀《山有樞篇》而相視流涕者也。乃發憤述《玉樹調查記》，以為經略清海阻之嚆矢，并以質世之留心邊事者。都四萬餘言。

維甘五族。荒服於清，民國勘撫，疆索以明。述都落記，第一。
兩戒維首，昆侖之墟，昔導厥委，今詳其初。述山脈記，第二。
夏似導江，不竟其源，黑水雍略，後儒異言。述水道記，第三。
與康犄唐，是亦一奇，險阻既著，籌邊是資。述地形記，第四。
清末政圯，蒙藏披離，鑒彼圖此，勿謂小夷。述政治記，第五。
吐蕃崇佛，殺去力衰，因勢利導，勝國是師。述宗教記，第六。
聚鹿鳥葬，獸心未革，立教易俗，匪伊朝夕。述風俗記，第七。
貨弃於地，地瀕於邊，混沌不鑿，人將我先。述實業記，第八。
蝸角蠻觸，睚眦構兵，事近搜瑣，可燭番情。述掌故記，第九。
荒裔晚著，史籍無微，粗舉所見，西爪東鱗。述考證記，第十。

例言

一 玉樹本囊謙等二十五族中之四族，而甘肅歷來舊案，以專名為公名，相沿已久，今姑仍之。

一番名山曰拉，水曰曲，一作楚，灘曰通，一作塘，溝中有灘曰云，無曰囊，一作郎，或作朗。曰隴，曰科，兩水之交曰松多，硤曰朶，湖泊曰錯。今概循用番稱，以符名從主人之義。

一番族戶口及取名之制，最難得其真象。蓋恐增加負擔。或奪其利權，故多隱匿不實。今姑就可考者書之。

一 近人志地理，於山脈水道，大率有表，意在力求簡明，而披閱之下，反難了然。今仍仿《禹貢》、《水經》之例，分條敘次，似較便觀覽焉。

一 玉樹荒裔，晚著舊籍，可徵者絕少，唯《衛藏通志》、《西寧府志》、胡文忠《一統輿圖》、《青海調查記》、湟源楊某著，僅二十餘頁。載其崖略，其餘材料，皆此次調查所得，雖挂一漏萬，然非耳食。博雅君子能補而正之，更末學所祈望也。

一 經略玉樹之策希武尚有《白議》一卷，此書止述風土，未能多及。《白議》將以次出版。

玉樹調查記卷上

天水周希武著

部落

海南各土司，除少數蒙古族外，其餘言語、狀貌、宗教、風俗大類西藏族，蓋羌、渾、吐蕃之支裔也。其栖息之地，為金沙、鴉隴、瀾滄諸江之上流，在虞、夏為雍州蠻荒之地，殷周迄漢，為西羌地。晉及六朝，迭為吐谷渾、白蘭、黨項所據；唐、宋以降，為吐蕃地；元、明以後，其土人夷為蒙古奴隸。清初，始脫奴籍，載在貢馬番族之列。二百七十年來，唯以羈縻為政策，會盟徵求之外，聽其自生自滅，而不為之所。乃至種落分合之故，番酋嗣襲之常，檔冊亦略而不具。人民國後，遂以稱名之互歧，釀成隴蜀之爭執，紛紛者逾年而不決。夫玉樹屬隴蜀，猶之中國也，所憂者附近西藏，隱患方長耳！余隨使玉樹，訪問長老，參考圖志，始得其種族區分之詳。述部落記，而以位置、疆域，弁於篇首。

玉樹在青海之南部。地形縱狹橫廣，南盡北緯三十二度，當雜曲、鄂穆曲二水之間，川邊昌都之北；北盡北緯三十五度三十分，當黃河源星宿海之南岸，南北相距三度三十分。西盡東經（準英經度）九十四度，當通天河南北二源合流之西；按自此迤西，至東經九十度，其地皆屬青海，其間有無人種，尚未調查的確。東盡東經九十九度三十分，當咱曲河東源盡處，東西相距五度三十分。面積約四十萬方里，占有青海全部三分之一弱。以上位置。

東與川邊石渠、鄧科、同普、昌都諸縣為界，南與類鳥齊及前藏納書克等三十九族為界，西北皆荒寒無人之地，遙與蒙古柴達木、新疆東南部相接。東北與果洛（洛）番毗連。東西約一千二百里，南北七百餘里。以上疆域。

玉樹凡二十五族：曰囊謙族，曰拉休族，曰蘇爾莽族，曰蘇魯克族，曰格吉上、中、下三族，曰中壩上、中、下三族，曰迭達族，曰稱多族，曰固察族，曰安冲族，曰娘磋族，曰玉樹四族，曰扎武三族，曰永夏族，曰蒙古爾津族，曰竹節族。

囊謙為玉樹二十五族中之一大族，有分土，有分民，領袖各族，而無管理各族之實權。其地跨據雜曲、鄂穆曲兩河，東與蘇爾莽為界，南與昌都、類鳥齊及巴屑、多舒、瓊布噶魯、色爾扎等族自多舒以下諸族，即納書克等三十九族之數也。為界：西與蘇魯克、中壩、格吉為界，北與拉休為界。有千戶

一員，駐色魯馬莊。莊民四十餘戶，別有千布管理。千戶下有散百戶四員，百長二十六員，為千戶分理土地。屬民共二千餘戶，耕牧相雜。群博百戶，駐色魯馬西南八九十里之折牙馬地方，管番民一百餘戶，廬居耕田。洞巴百戶，駐色魯馬西一百五十里之岸陌計地方，管番民五十餘戶，帳居畜牧。按洞巴舊志自為一族，何時歸并囊謙，無考。諸稱舊志，皆指《衛藏通志》。

阿夏百戶，駐色魯馬西八九十里之打巴拉地方，管番民九十餘戶，帳居畜牧，間有耕田者。

加茶百戶，駐色魯馬西四十餘里之宗唐地方，管番民一百餘戶，半耕半牧。

以上四百戶，均在千戶所駐色魯馬莊輪流辦事。當值百戶，則有代理千戶事務之全權。每日由千戶給當值者生羊肉早晚各一方，其酥油、炒面皆自備。而現在群博、加茶二百戶，則最為千戶所倚信。

多烏一作東翁百長，駐色魯馬東五十六里之謙木多地方，管番民三十餘戶，廬居耕田。

遜打迫百長亦稱百戶，駐色魯馬東北九十餘里之強木曲地方，管番民一百二十餘戶，廬居耕田。按遜打迫亦作買，蓋拼音也。

茶瓦百長，駐色魯馬東北八十餘里之雄郎地方，管番民四十餘戶，廬居耕田。

群品百長，駐色魯馬東北四十餘里之打木容地方，管番民十餘戶，帳居畜牧。

葱沙百長，駐色魯馬北五六十里之打木科地方，管番民三十餘戶，廬居耕田。

中冷百長，駐色魯馬北七八十里之岷雲地方，管番民十餘戶，帳居畜牧。

中沙百長，駐色魯馬西北八九十里之岷雲地方，管番民三十餘戶，帳居畜牧。按前清光緒十六七年間，囊謙因川邊德格之擾，上控西寧、蘭州。中沙百長來往遞呈有功，千戶許為請充百戶，未果。然至今人均以百戶稱之雲。

達沙百長亦稱百戶，駐色魯馬西北七八十里之岷雲地方，管番民七八戶，帳居畜牧。

朵吾百長，駐色魯馬西北百里之岷雲地方，管番民十餘戶，帳居畜牧。

中壩巴群百長，東桑百長，曲才百長，同駐牧色魯瑪西一百六十里之岸阪計地方，與洞巴百戶雜居，共管番民二十餘戶，帳居畜牧。按清初收撫時，止有巴群。東秦二百長，距今六七十年前，東桑百長之弟名曲才者，分立為百長，即以其名部落。又三百長均稱中壩雲。

加冷中壩百長，現升為百戶。駐色魯馬西南約百餘里之志拉博多哈地方，管番民六十餘戶，帳居畜牧。

協亥百長，駐色魯馬南六七十里之巴隆地方，管番民三十餘戶，帳居畜牧。

節存百長，駐色魯馬東偏南六七十里之那寧地方，管番民十餘戶，帳居畜牧。

蓋多百長，駐色魯馬東南七八十里之多那地方，管番民二十餘戶，廬居耕田。

阿卓百長，駐色魯馬東偏南七八十里之加拉哈地方，管番民十餘戶，帳居畜牧。

阿代百長，駐色魯馬東偏南之雜哈地方，管番民十餘戶，帳居畜牧。

梅鳥百長，駐當木喀，距色魯馬三十餘里，管番民十餘戶，帳居畜牧。

旦那百長，駐色魯馬東南九十里之保無容地方，管番民十餘戶，帳居畜牧。

多岡馬同百長，駐色魯馬東南餘里之東岡容地方，管番民十餘戶，廬居耕田，間有畜牧者。色蕊百長，駐雜曲河北岸聶容地方，距色魯馬百餘里，管番民十餘戶，帳居畜牧。

蘇諾百長，駐雜曲河北岸聶雲地方，距色魯馬約百里，管番民二十餘戶，帳居畜牧。

安登百長，駐雜曲河東岸顧強雲地方，距色魯馬一百二十餘里，管番民百餘戶，廬居耕田。

按此外尚有拉雪、安可二百長，未詳所在。又按上列戶數，皆得自訪問，多隱匿不實，度止有實數三分之一耳。以下各族均仿此。

扎武、拉達、布慶，謂之扎武三族，同駐牧一地，在通天河南。東以朝午拉山與川邊鄧科縣為界，南與川邊同普縣為界，西與蘇爾莽、拉休、迭達為界，北以通天河與迭達及加迭喀桑（扎）曲河流域諸族，謂之加迭喀桑，詳見下。為界。扎武百戶駐結古，一作蓋古多。所屬百長六員，曰哈至，駐結古東，曰迭馬，駐巴塘，曰藍達，曰哈拉休，日節綜，日哈秀。其駐處均見下。管番民三百餘戶。拉達百戶，駐班慶寺附近，所屬百長一員，番民一百餘戶。布慶百戶駐班慶寺東登喀色莊，所屬百長七員，現止有五。番民一百餘戶。

扎武有華離之地二處：一在通天河邊稱多、拉布、迭達之交，藍達、哈拉休二百長所駐也；一在義曲河西，迭達、玉樹、安冲之交，節綜哈秀二百長所駐也。哈秀前百長，喇嘛也，死無嗣。扎武百戶令老陽、尖錯二人代理哈秀事務。三族之民，廬居耕田者多，帳居畜牧者少。結古為商賈走集之地，二十五族之都會也。市民有二百餘家。

拉休族駐牧地橫跨于曲河南北。東與扎武、蘇爾莽為界，南與囊謙以夏拉山為界，西與格吉麥馬族為界，北與迭達、玉樹為界。所屬百長十二名，番民五百餘戶，十九皆帳居畜牧。百戶駐隴喜寺。又蘇爾莽東境，有吹靈多多寺，原自為一族，後附屬拉休。又按拉休百長十二員，除麥馬、得馬二百長均係世職外，余皆干布（百戶臨時所置，以理民事者）代行其職。

迭達駐牧地跨通天河，其大部在河西，東與稱多、扎武屬地及拉布寺、竹節族為界，南與扎武、拉休為界，西北與扎武屬地及玉樹連界。所屬百長三名：曰拉達，曰龍媒，曰狻（戎）德。番民六百餘戶，廬居耕田與帳居畜牧者相半。百戶駐通天河東北岸，亦名迭達莊。

固察駐牧地在通天河東北岸。東與加迭喀桑及稱多為界，北與娘磋為界，西南與通天河與安冲為界。百戶駐沁喀莊，無百長。所管番民一百餘戶，廬居耕田。

稱多駐牧地在通天河東岸。東北與加迭喀桑為界，西北與固察為界，南與拉布寺、迭達及扎武屬地為界。百長一員，曰喀俄。屬民三百餘戶，廬居耕田。百戶駐周均莊。

安冲駐牧地在通天河西南岸。東北以通天河與固察為界，北與玉樹、娘磋連界。西南與扎武屬地為界。百長七員，曰安冲，曰阿薩，曰阿永，曰葉吉，曰拉吉，曰列玉，曰典已。屬民五百餘戶，廬居耕田。百戶駐安冲莊。按典已百長屬民，近年分逃娘磋、固察，百長遂失職。

蒙古津爾族，永夏族，竹節族，同牧咱（扎）曲河流域，統稱加迭喀桑（譯言三族人民合住之意）。又謂之咱（扎）曲喀娃（譯言咱（扎）曲河地方之人也）。東與川邊石渠縣為界，南與扎武為界，西與迭達、拉布寺、稱多、固察為界，北與娘磋為界，東北與果洛（洛）為界。地處奢拉山即巴顏哈拉山南麓，風氣高寒，民皆帳居畜牧。自竹節寺重迤南，逾加浪山，循歇武溝，至通天河濱，稍有廬居耕田之民。蒙古爾津百戶駐奢云水入咱（扎）曲河之交。無百長，屬民一百餘戶。永夏百戶駐東群河上流。所屬百長一員，日喀耐，駐喀耐寺。番民五百餘戶。竹節百戶駐竹節寺，兼為喇嘛，其族自蒙古爾津分出。年月無考。所屬百長三名，休瑪百長，駐奢云，此次以轉運有功，陞為百戶，歇武百公，駐歇武寺，阿也六瓦百長，駐義赫曲（即柴隴水之上流）熱雲（即麻